

30 M. A N T O N I I
M V R E T I I. C.
ET CIVIS R.

H Y M N O R V M S A C R O -
R V M L I B E R,

Iussu serenissimi G V L I E L M I
Ducis Mantuæ, &c.
conscriptus.

Eiusdem alia quædam Poematia.



L V T E T I Æ,
Apud Mamertum Patissonium, in
officina Rob. Stephani.
M. D. LXXVI.





SERENIS. GVLIEL-
MODVCIMAN-
TVAE, ET C.

MAGNE ducum, fetam populis cui
fortibus urbem
Pulcher olorifero Mincius amne
lanat:

Sume datis à te scriptos mihi legibus hymnos,
Néue parùm culti despice vatis opus.
Illi etiam quorum hîc meriti celebrantur honores,
Lucida quos constans vexit ad astra fides,
Non indignantur paruo sibi ture litari:
Atque animum magni muneris instar habent.
Forsitan his olim iuuenis meliora dedissem,
Et mulcere aures dulcius apta tuas.
Sed veniens etiam ingenio est damnosa senectus:
Nec tantùm vires corporis imminuit.
Cùm mihi turgerent meliori sanguine venæ,
Nec curarum animum pondera deprimerent:
Sponte sua numeris carmen mihi mollibus ibat:
Et subito versus fundere ludus erat.
Nūc & corpus hebet senio, & mens ipsa pigrescit,
Quòdque habuit ludo, nunc onus esse putat.

Dulce on^o hoc tamē est, quod te mādante subitur,
Et leuiora facit iussa iubentis amor.
Atq; utinā hac roseo legat & VINCENTIUS ore
Phæbi & Musarum maxima cura puer:
Qui florescenti paulatim attollitur æno,
Vt sata se ad flumini subiicit alnus aquas.
Felix, cui teneris Helicon lustratur ab annis,
Et bibitur volucris fons pede factus equi.
Quem iam ipsa Vranie blandis complexa lacertis,
Stellatas superūm vexit ad vsque domos:
Ostenditque astrorum ignes, calique meatus,
Quisq; suos peragant legibus illa choros.
Quis scit, an & ,calo dum singula dispicit, inter
Cetera maiores viderit astra suos?
Et quos purpureo contextit Roma galero,
Et qui regali sceptrā tulere manu?
Fortunate puer, magnum patris incrementum,
Cui Lachesis net plena aurea fila colo,
Viue diu, utq; dati poscit tibi nominis omen,
Tende atavos omni vincere laude tuos.
Ne graue sit, dum dona tibi graviora parantur,
Interea partem carminis esse mei.





HYMNISACRI.

22

In die Ascensionis.

VICTAE in perpetuum mortis & inferum
 Insignis spoliis, luce nitens nova,
 Primusq; insolitus Christus iter secans,
 Arces in patrias redit.

Natus, nasci iterum nos quoque dum cupit,
 Mundo, mortuus est, nos cupiens mori,
 Surgens & repetens aethera, nos quoque
 Ut possimus idem, dedit.

Christo nunc igitur vivere nos decet,
 Ut Christo pariter detur inemori.
 Surgentes eadem nos quoque gloria
 Puro lumine vestiet.

O per qui te, hominum conditor, ingredi
 Casta adduxit amor viscera virginis,
 Nos dignare, tuis artubus insitos,
 Voti reddere compotes.

Simplex aethetii namini unitas,
 Quae distincta eadem est veraque trinitas,
 Aeternis vigeat semper honoribus,
 Et terra simul & polo. Amen.

A. iij.

In die Pentecostes.

Lustra nostra tua pectora lampade,
 Qui quondam, altifono spiritus à patre,
 Lustrasti unanimes, missus apostolos,
 Linguis diditus igneis.
 Confirma dubios, dirige devios,
 Consolare tui muneris indigos,
 Letalique animos frigore torpidos
 Sanctis ignibus excita,
 Mens doctrinam avidè nostra bibat tuam,
 Perstetque adsidue tota Deo calens,
 Et spem firmam in eo constituens sibi,
 Terram pro nihilo putet.
 O rerum alme sator, certè homines sumus,
 Quanquam indigna, tue plasmata dextere:
 Ne fer, quos tua vis ex nihilo extulit,
 Aeterno exitio obrui.
 Simplex &c.

In die S. Barbaræ.

Qualis, nulla polum nubila cùm tegunt,
 Inter clara nitet sidera phosphorus:
 Talis martyrio conspicuas micat
 Inter Barbara virgines.
 Cui solus teneri Christus ab unguibus
 Vssit cor nitidum perpetua face,

*Cui desiderium, cui fuit unicus
 Spretis Christus amor procis.
 Quamvis imperio barbarus aspero
 Terreret genitor, quem furor, & mala
 Perduxit rabies, ut gladio caput
 Nata demeteret sua.
 Vinculis illa quidem libera corporis
 Felix ad superos protinus euolat.
 Sed Christus sceleratum in Stygias patrem
 Sedes fulmine deiecit.
 Simplex &c.*

In Aduentu.

Verbum, quo omnipotens condidit omnia,
 Summi preualidum consilij angelum,
 Vatum plena Deo pectora dixerant
 Venturum, ut fieret caro.
 Primi quo maculam dilueret patris,
 Serpentisq; vafri contereret caput:
 Preclusamque homini morte recluderet
 In calum propria viam.
 Ergo turba patrum, carcere liberos
 Qui longo per eum se fore viderant,
 Calum suspiciens, luctu sonis dabat
 Carmen lugubre vocibus.
 O qui pollicitis applicitos tuis,
 Quamvis cuncta potes, fallere non potes,
A. iij.

*Longas tolle moras, & cito, quem tibi
Certum est mittere, mittito.
Simplex & c.*

Commune beatæ Virgini.

O Solis nitido lumine pulchrior
Virgo, constituit quam Deus unicam
Expertem maculis omnibus, ut fores
Nato digna parens suo.
Te quondam Gedeon vellere in uide,
Intactâque nouis imbris area:
Te cincto innocuis legifer ignibus
Agnorat prius in rubo.
Rebus principium qui dedit omnibus,
A te, dum se hominum caussa hominem facis,
Sumpsit principium, quique alit omnia,
Pastus lacte tuo est puer.
Per te quod mulier perdiderat vetus,
Humano generi redditur auctius.
Tu clausas miseris heu nimium diu
Celi prima aperis fores.
Simplex & c.

In Natali Domini.

O Nox vel medio splendidior die,
Cuius per tenebras, virginis integra

Ex aluo nitida sol nouus emicat,
 Complens omnia lumine.
 Aeterno imperio qui regit omnia,
 Humanumque Deo conciliat genus,
 Is nunc sub tuguri vilis operculo
 Nascens pauperiem docet.
 Pastores ouium, dum gregibus suis
 Intenti vigilantes excubias agunt,
 Primi hunc angelico carmine nuncium
 Letis auribus hauriunt.
 Grata est haud dubie simplicitas Deo.
 Grata est vita, dolis quae procul omnibus
 Rectum sponte sua perpetuo colit,
 Et priscam retinet fidem.
 Simplex &c.

In die S. Stephani.

Leuite iuuenis fortia pectora
 Ornari solitis tempus honoribus,
 Primus martyrij qui sibi lauream
 Vitae prodigius induit.
 Tundebat lapidum, grandinis in modum,
 Denso turba fremens imbre sacrum caput:
 Numquam mota suo sed tamen est loco
 Mens sancto ebria spiritu.
 Sed se se in mediis ictibus erigens,
 Et calum penetrans, En, ait, en eum

*Pro quo dulce mori est, iam video patris
Ad dextram positum Dei.*

*At tu Christe sinu suscipe me tuo,
Atque his, qui tenebris turpibus obruti
Quo se se impediunt crimine, non vident,
Quæso te, veniam dato.
Simplex &c.*

In die S. Ioannis Euang.

C*hristo præ reliquis carus apostolis,
Qui supra Domini pectus in ultimis
Discumbens epulis composuit caput,
Festa luce canendus est.
Felix, cui Dominus iam rigida in cruce
Pendens, iamque neci proximus, & patri
Sanctam sancto animam tradere cogitans,
Matrem crediderit suam.*

*Felix, qui se aquile more super polos
Tollens, & nitida in luce Deum videns,
Diuino eloquii flumine filium
Aequalem docuit patri.*

*Felix, qui senis iam grauis, & sacra
Multæ canitiæ tempora consitus,
Ut si membra leuis corriperet sopor,
In Christi rediit sinum.*

Simplex &c.

 In die S S. Innocentium.

C Antemus tenerorum agmina martyrum,
 Quos regis rabies abstulit impij,
 Cunas innocuo sanguine proluens,
 Christum perdere dum furit.
O nullis feritas cognita seculis,
 Materno pueros è gremio rapi,
 Perfossa ut rutilis corda mucronibus
 Lac cum sanguine funderent.
 Heu quis, cum solito raptus ab ubere
 Districtumque pavens ad gladium puer
 Blandas carnifici porrigeret manus,
 Siccis adspiceret genis?
 Argent angelicos nunc pueri choros,
 Et Christum liquido gutture concinunt:
 Herodem meritis debita talibus
 Pœna in perpetuum premit.
 Simplex &c.

In festo S. Siluestri.

P Riscos Roma duces desine laudibus
 Efferre immodici, qui valida manu
 Fines imperii protulerint tui,
 Quacumque Oceanus patet.
 His solus tibi plus contulit omnibus
 Sanctorum eximium Pontificum decus

*Silvester, dominam qui prius urbium
Christi supposuit iugo.
Multo te ille prius sanguine martyrum
Respersam, docuit parcere cadibus,
Et quos mille modis seua peremerat,
Illorum pronitus sequi.
Romam idem precibus nunc quoque, calitum
Adscriptus numero, perpetuis iunet,
Et tanti ossa suo quæ gremio viri
Seruat condita Mantuam.
Simplex &c.*

In die Circumcisionis.

*Circumciso agitur lux Domino sacra:
Quæ iam, si dominum rite libet sequi,
Impura è tumidis omnia nos monet
Circumcidere cordibus.
Umbra euangelij lex fuerat vetus:
Sed sol exoriens ut tenebras fugat,
Sic sol iustitia legitimis suum
Finem ritibus attulit.
Nobis corporeo nil gladio est opus:
Sermō quippe Dei viuus & efficax,
Se se instar gladii mentibus inferens,
Ad viuum omnia persecat.
Quæ semper virij germina pullulane,
E nostris vitæ am cordibus amputet,*

R
Anni principium
Vite principium
Simplex &c.

Q
Eve
Eve
Quæ
Quæ
Nostella
Et
Iudea
Regen
Ani
Myrr
Aut
Ark
Rex
No

*Anni principium sit simul ut noui
Vite principium noua.
Simplex & c.*

In die Epiphaniæ.

Q*ua vos caussa, Magi, dicite, perpulit
E vestris iter huc carpere finibus?
Quem tanto studio queritis anxij?
Quæ hæc munera pertinent?
Nos stella insoliti luminis huc trahit
Et dux certa viam perpetuò præst,
Iudæa populis quæ cupientibus
Regem significat datum.
Auri istæ sed enim quid sibi pondera?
Myrrha mirificus quid sibi vult odor?
Aut quæ, cùm populus sacra Deo facit,
Aris tura solent dari?
Rex auro colitur, tura Deum decent,
Nostri myrrha homines post obitum linunt.
Huic ergo hæc pariter munera congruant,
Qui & Rex est, & homo, & Deus.
Simplex & c.*

A Septuagesima ad Cineres.

E*heu quàm scelerum non tolerabilis
Nos urget miseros sarcina, quæ Dei*

Nostris principiò mentibus inditam.

Obscuravit imaginem.

Si nos pro meritis accipiat Deus,

Causa nil fuerit, quo minus agmine

In tristes tenebris perpetuis domos

Vno precipites agat.

Sed semper facilis flecti in eos fuit,

Quos culpa ex animo pœnituit sua.

Numquam horum lacrumis & gemitu tulit

Se frustra veniam peti.

Hac spe, quam ipse dedit, poscimus ut graui

Pressos exoneret pondere, néve se

In nostro rigidum crimine iudicem,

Sed mitem exhibeat patrem.

Simplex & c.

A die Cinerum & c.

M*Ultis tēsa epulis viscera dum tument,*

Mens oppressa nihil cogitat arduum:

Et more indomiti luxurians equo

Pugnat spiritui caro.

Sed subtracto eadem comprimitur cibo,

Et se spiritui morigeram exhibet:

Qui, cum nulla grauant pondera sordium,

In celum celer euolat.

Primus corporeo legifer à cibo

Bis binos decies abstinnit dies:

*Quem Christus numerum nos itidem sequi
Exemplo docuit suo.*

*Sed frustra vetitis os tenet à cibis,
Qui factis animum turpibus inquinat.
Ieiuno adsidua conveniunt preces,
Cùmque his munifica manus.
Simplex &c.*

In Dominica passionis.

A *Equæva ingenito progenies patri,
Vitam morte suis redderet ut sua,
Se Christus niuei velleris hostiam
Vltro supplicio obtulit.*

O *erga immeritos miras amor Dei,
Natum, quæ pietas, tradidit unicum:
Ut pro mortifera fraude nocentium
Pœnas solueret innocens.*

O *non visum aliàs sacrifici genus,
In quo æterna Deo sacra facit Deus,
Et mortem moriens opprimit, & sibi
Ipse est victima pontifex.*

O *cruce tincta sacri flumine sanguinis,
Olim supplicium mancipiis graue,
Nunc regum capiti præcipuum decus,
Te flexo colimus genu.*

Simplex &c.

H. P. M. N. L.

In Dominica in ramis palmarum.

Regem pacificum, mœnia dum subit
Vrbis celsa sua, turba manu fereus
Palmarum grauidos obuia termites,
Faustis vocibus excipit.

Hic letas spoliat frondibus arbores:
Hicserta ante pedes florea projcit:
Supplex ille manus porrigit, hic suis
Terram vestibus obtegit.

Hæu mentes hominum. Quis fore crederet,
Quem tantis studiis exciperet frequens,
Post paucos ut eum turba eadem dies
Suffixum adspiceret cruci?

Nil in vita hominis perpetuum datur.
Rebus ne nimium fidite prosperis,
Plerumque hic lacrumis gaudia temperat
Certo consilio Deus,
Simplex &c.

In die Annunciat. B. Virginis.

AD te sidereis missus ab arcibus
Cum venit Gabriel, virgo, renuncians,
Te summo ante alias complacitam patri,
Mox matrem Domini fore:
Turbata tibi tunc purpureus genas

Sparfe

*Sparsit mente pudor, nescia quod viri,
Casto, sponsa licet, pectore virginem
Semper te fore voueras.*

Verum idem subito nuncius addidit:

*Istos pone metus, nam tibi iam datum est,
Vt virgo mancas, & tua compleat
Sanctus viscera spiritus.*

*Tunc ore ex roseo vox tibi prodijt,
Testis mirifice certa modestie:
Ecce ancilla Deo subdita, nil moror:
Fiat, quod Dominus iubet.*

Simplex &c.

In die Paschæ.

P*Onatur lacrumis iam madus, & nouis
Templorum resonent atria canticis.
In vitam reduci nam Domino sacer
Poscit letitiam dies.*

*Lux post Christi obitum tertia venerat,
Cum spes sancta moræque impatiens amor
Matronas parili nomine nobiles
Visendum ad tumultum vocat.*

*Tum motum lapidem, tum lapidi vident
Innixum niueis vestibibus Angelum:
Qui, quo sollicitis eximeret metum,
Paucæ & certa locutus est.*

Non hoc amplius est quem petitis loco.

B. i.

*In vitam redijt Christus ab inferis.
 Ite, & discipulis hæc eadem date
 Summi nuncia gaudij.
 Simplex &c.*

In festiuitatibus S. Crucis.

Gentes, nulla quibus notitia est Dei,
 Armis, imperio, prole superbiant:
 Nobis, queis melior spiritus obtigit,
 Sola est in Cruce gloria.
 Lignum prima homini perniciēs fuit,
 Cū primus vetitam contigit arborem
 Captus feminis illecebris parens,
 Quo se perdidit ac suos.
 Sed post, lignum homini certa salus fuit,
 Cū scandens patulam Christus in arborem,
 (Aeternus fieri sic voluit parens)
 Vitæ restituit suos.
 Crux hostes hominum sola procul fugat.
 Crux sola insidijs munit ab omnibus.
 Aduersa intrepidus despiciat, licet,
 Cuius spes Cruce nititur.
 Simplex &c.

In natiuitate S. Ioannis Bapt.

Sanctorum soboles sera parentium,
Solis perpetui prodrome lucifer,
Qui nascens hilaras omnia, dum tuum
Natalem colimus, faue.

Nondum natus eras, cum dominum tamen
Nondum casta utero virginis editum
Agnosti exsiliens, & quatiens nouo
Matris viscera gaudio.

Mox & magnanimus tesqua petis puer,
Et victu populos horridus admones,
Factis abstineant turpibus, & viam
Aduentante parent Deo.

O cui voce sua maximus arbiter
Laudem supra homines egregiam dedit,
E celo adsiduus, quæsumus, adiuvæ
Cultores precibus tuos.

Simplex &c.

In die S. Laurentij.

Laurenti canimus nobile prælium,
Qui cum visceribus flammam aleret suis,
Et cratem roseo sanguine spargeret,
Subiectis ruber ignibus,
Constanter Domini perstitit in fide,
Ambustumque latus carnifici exhibens,
En istam rabiem quo magis expleas,
Hoc iam coctum, ait, est: vora.

B. ij.

Tanto corporeis ignibus acrior
 Christi ardebat amor pectore in intimo.
 Sic mens tota Dei fervida spiritu
 Sensum corporis hauserat.
 Nunc nobis solito more rogandus est,
 Iratum ut meritis conciliet Deum,
 Et quos mirifici roboris instruit
 Exemplo, precibus iuvet.
 Simplex &c.

In die Transfigurationis.

Quam crebro dederat discipulis fidem,
 Confirmare modis dum studet omnibus,
 Tres secum comites montis in ardui
 Adsumpsit Dominus iugum.
 Illic frons radiis cincta micantibus,
 Solaris nituit lampadis in modum:
 Tum, qua tectus erat, protinus est niui
 Vestis reddita concolor.
 Cum Christo gemini visi etiam senes,
 Et iussa ad populum cui dederat Deus,
 Et qui fidereas visus erat domos
 Quadrigis petere igneis.
 E nubis nitidae quinetiam sinu
 Hac dicta omnipotens intonnit pater:
 Hic est, quem eximie diligo, filius.
 Huius iussa capeſſite.
 Simplex &c.

In die assumpt. B. Mariæ.

Regnator superum quo nitidam die
 Matrem sideris arcibus intulit,
 Et supra Angelicos conspicuam choros
 Stellanti statuit throno:
 Quæ celo fuerint iubila, qui sonus,
 Quæ sanctis animis gaudia, non modo
 Humanis nequeat vocibus exprimi,
 Sed nec pectore concipi.
 Illa est arca noui conscia fœderis,
 Conclusus, Domini delicia, hortulus,
 Rastro intactus ager, sidere pulchrior:
 Et sponsa & genitrix Dei.
 Felix quisquis eam suppliciter colit,
 Rebusque in dubiis sedulus innorat.
 Numquam hoc qui statuit præsidium sibi,
 Spe lusus doluit sua.
 Simplex &c.

In festo S. Hadriani.

Christi in militiam nomina ne darent,
 Multos impediit supplicij metus:
 Multos qui dederant, vis cruciatuum
 Illam deferere impulit.
 Non sic ille, hodie quem colimus, fuit,
 B. ij.

*Qui nomen tumido duxit ab Hadria:
 Quin constantem animum Christicolūm vidēs
 Horum se ad numerum appulit.
 Prudenter reputans, non sine numine
 Tales cuncta viros aspera perpeti,
 Nec se illos temerè sponte sua ratus
 Pœnis obijcere omnibus.
 Ergo his se agglomerans, credidit: & simul
 Index ipse sui, supplicium appetens,
 Quæ mente imbiberat, mox eadem suo
 Sanxit dogmata sanguine.
 Simplex &c.*

In die S. Michaelis.

C*Aelestis caninus militiæ ducem:
 Qui periura bonus dissipat agmina:
 Et deiecta locis non sibi debitis,
 Sedes trudit ad inferas.
 Horrendo imbiberat pectore septiceps
 Bis quinisque ferox bellua cornibus,
 Intactæ sobolem virginis unicam
 Senis mandere dentibus.
 Aeterni imperio sed Michael patris
 Conatus Satana reddidit irritos:
 Et monstrum innumeris fraudibus oblitum
 Victor stravit humi potens.
 Idem deposito pondere corporis*

*Exsortes animas criminis excipit,
In calúmque alacres tollit, & in loco
Lucis perpetua locat.
Simplex &c.*

In festo Corporis Christi.

CA Elestes epula, certa pijs salus,
Quas apponit amor, pura capit fides,
In quæ ipse cibi perpetui loco
Cena se pater exhibet.
Hic verbum Domini fallere nescij
Cecis iudicium sensibus abrogat:
Quod non est, oculi cernere se putant,
Nec, præsens quod adest, vident.
Sub panis specie vina latet caro,
Sub vini specie sanguis: & utraque,
Seu tantum species sumitur altera,
Christus sumitur integer.
Felix qui dominum sedulus hospitem
Abstersis animi sordibus excipit.
Qui contra facere id negligit, ah miser
Ipse est exitio sibi.
Simplex &c.

In die S. Trinitatis.

B. iij.

O Nullis hominum peruia sensibus,
 Natura penitus sola capax tuæ,
 Cuius condita sunt omnia numine,
 Aeterna & monas & trias.

Nato æqueue pater, natæque par patri,
 Et manans ab utroque inclyte spiritus,
 Circumfusa tuo nubila lumine
 Nostro discute pectori.

Da, mens per speculum cernere te queat
 Nostra, & posthabitis te petat omnibus,
 Eiusque tuis pendeat, & tibi
 Soli dedita seruiat.

Tu clemens miseris da veniam pater.
 Tu fili miseris sterne iter ad patrem.
 Tu sanctum miseris pneuma vagantibus
 Præfer conspicuam facem.
 Simplex &c.

In festo D. Ambrosij.

Q Valis periclitantibus,
 Totoque iactatis mari
 Tranquillitatis nuncia
 Se stella nautis obijcit:
 Talem, procellis Arrij
 Ecclesiam turbantibus,
 Qui lumen orbi redderet.
 Elegit Ambrosium Deus.

*Nondum renatus flumine,
Sed iam renatus flamine,
Concordibus suffragiis
Episcopus delectus est.*

*Vt ex ministro Caesaris
Minister effectus Dei,
Humana relinquens ceteris,
Diuina iura panderet.*

*Non alligatur tempore
Diuina certo gratia:
Sed dum libet, quidquid libet
Puncto vel uno perficit.*

*Hunc ipse Caesar horruit,
Contra nec ausus hiscere est,
Cedes ob admissas sacra
Exclusus adis limine.*

*Magnam suis fiduciam
Benignus inspirat Deus:
Semperque pastoris boni
Multum potest auctoritas.*

*Salve, bonorum maxima
Episcoporum gloria,
Plebemque deuotam tibi
Caelo receptus adiuna.*

*Aeterne cunctorum pater,
Aeterne fili par patri,
Et par utrique spiritus,
Soli tibi sit gloria.*



AD BEATISS. VIRGINEM

DEI MATREM, QUAE RE-
ligiosissimè colitur in Aede
Laurerana.

V NDE mihi insolitus praecordia concutit
horror,

*Et perfusa metu trepidat, velut icta Deo, mens?
Fallor, an hoc facit, ipse locus, stimulósque paventi
Subjicit, atque animum praesentia numinis urget?*

*O caelo dilecta domus, postesque beati,
Quos ego iampridem tota mihi mente cupitos,
Nunc primum veteris voti reus, advena viso:
Saluete, adspectique mihi feliciter este.*

*Vósne per etherias Iudaeae finibus oras
Aligerum, mandante Deo, vexere manipuli?
Hic virgo genitura Deum, genitricis ab aluo
Prodiit, & blandis mulsit vagitibus auras?
Hic quoque, virginis servata laude pudoris
Sancta salutifero tumuerunt viscera fetu?
Ille opifex cunctorum, illa eterno unica proles
Aequa patri, ille homini primæva ab origine lapsa
Spem caelo vitamque ferens, hac lusit in aula
Parvulus, & sanctæ blanda obtulit oscula matri?*

*Quenâ igitur regum sedes, quæ tēpla per orbem
Huic se ausint cōferre loco? ter & amplius omnes
Ante alias felix Piceni littoris ora:*

*Cui Solymos. spectare domi, cui munere diuūm
Fas calcare domi est pedibus vestigia Christi.*

*En ego iā supplex procūbam, atq; oscula figam
Parietibus sanctis, spargamq; hoc puluere crines.*

*Adspice me superis è sedibus, adspice, virgo
Prostratum, atque imo gemitus ex corde cientem,
Et pectus tundentem, & fletibus ora rigantem:
Neu, quamquam culpis adopertum turpibus, arce
Adspectu me diua tuo, si pectore toto*

*Te veneror, si te, dubijs in rebus, ad unam
Confugio, teque auxilium sanctissima posco.*

*Penitet ex animo vita me Diua prioris,
Penitet, & meritas horret mens conscia poenae,
Quod nisi tu casto pendentem ex uberematum
Concilias, placásque mihi, quò tendere cursum
Quòue malis fessam tentabo aduertere puppim?*

*At tu, namque soles, placida dignare querelas
Aure meas, & ades lapsis mitissima rebus.*

*Certè equidem tota pendentes aede tabellas
Adspicio, quæ te miseris præsto esse loquuntur.
Hic, te animo spectans, terrentem viscera febrim
Depulit. ille hyadas tristes, hædumque cadentem
Spectauit tutus, vertentibus æquora ventis,
Et duce te patrias enauit saluus ad oras.*

*Criminis ille reus falsi, sub iudice duro,
Dum mortē exspectat, tenebroso carcere clausus,
Munere Diua tuo detecta fraude, renisit
Vxorem, & natos, exoptatumque parentem.*

O ego nunc morbis multò granioribus eger,

*Naufragiūque timens longè exitiosus illo,
 Et iampridem animum peccati compede vinctus,
 Si possim morbis liber, vinctisq̃ue solutus,
 Fluctibus & ventis laceram subducere puppim:
 Quas tibi letus agam grates, dum vita manebit?
 Te, cū luce nova sparget sol aureus orbem,
 Te recinam, quoties abscondet opaca polum nox:
 Et tua præcipuo venerabor numina cultu.*

T I B U R.

QUICVMQVE Herculei spectabit Ti-
 buris arces,

*Qua pater Hippolytus, sacri pars magna sena-
 tus,*

Cura deūm, loca perpetuo prius aspera sacro

Mollit, & leni insit mitescere clivo,

Omnia deprenDET longè superantia famam.

Nec tam regifico constructa palatia sumptu,

Aurōque illusas ades, radiatāque tecta,

Quān semper virides mecum admirabitur hortos,

Et gelidos fontes, & aquam in sublime valantem,

Sēque in multiplices vertentem, ut Protea, formas.

Præcipue tamen illi animum nouitate mouebit

Excisus, res mira, silex, rupēsque cauata,

Et via facta manu longi per viscera montis:

Qua se Anio pater insueto pernuoueret alueo.

Qui longum per iter tenebroso tramite lapsus,

Exit, & arboribus gelida non inuidet unda.

*Stāt habiles propter Nymphæ, lymphasq; para-
 Exceptas urnis in vasa capacia fundunt. (tis
 Parte alia ipse suis altricibus adstat Iacchus,
 Maternique memor casus, flammaque paternæ
 Gaudet aquis, illisque libens sua munera miscet.*

*Dum stupeo, tam multa vidēs miracula rerum:
 Ecce novus procul alituum concentus ad aures
 Fertur & insolita mentem dulcedine tangit.*

*Adspicio: & gressum propius fero. corpora cerno
 Parna ex ære anium, æratis nitentia ramis,
 Dedala queis variam tribuit sollertia vocem.*

*Quamcunque adspicias, delusus imagine, veram
 Esse putes volucrē: nisi quod non evolat usquam:
 Sed ramis affixa suis cantu æthera mulcet.*

*At vere mirantur aves: & cedere dum se
 Turpe putāt, liquidis latè omnia questib⁹ implent.
 Hic Luce egregius labor est, quem Sequana partu
 Ediderat, Siculi renovantem inuenta magistri.*

*Quid? quem non moneat cygnū mētibus adulter
 Illudens simili spirantem è marmore Ledam
 Deliciisque suis, & aquarum murmure letus?
 Multaque præterea veterum simulacra deorum,
 Artis opus priscæ cunctos verum arduis inter
 Eminent Alcides: qui spectans omnia circum,
 Hesperidum veteres hortos præ Tibure tenet.*

*Sed quid ego hæc versu nequidquam includere
 tento?*

*Iam pridem exiguum præscripti carminis orbem
 Excessi: & dictis semper maiora supersunt.*

I D E M.

DELICIAE veterum Tibur voluētib⁹ annis
 Conciderat, priscum perdideratque decus.
 Et nusquam riuī, nusquam pomaria, nusquam
 Vlla super tanti signa decoris erant.
 Illa loca antiquis toties celebrata poetis
 Horrebant turpi squalida facta situ.
 Marebant erepta sibi sua gaudia Nymphæ,
 Languentes Anio mæstus agebat aquas.
 Omnia tempus edax ita deformarat, ut hospes
 Quæreret in medio Tibure, Tibur ubi est?
 Non tulit hanc speciem diuini pectoris heros
 Hippolytus, sacri gloria magna chori.
 Ille loco senium absterisit, vultusque priores
 Reddidit, & solito iussit honore frui.
 Illius imperio iussæ reuirescere siluæ
 Cœperunt sparsis luxuriare comis.
 Ille nouas passim fontes emergere iussit.
 Nec mora fit : fontes profiluere noui.
 Quos circum statuit priscis egesta ruinis
 Plurima Phidiaca signa polita manu.
 Ipse Anio frontem pallenti incinctus oliua
 Affluit, & proprias consociauit opes.
 Iure igitur fontesque sacri, siluæq; virentes
 Certatim Hippolyti nomen ad astra ferunt:
 Et, quoties molli increpuit leuis aura susurro,
 Hippolytum alternis vocibus ingeminant.

Ad Petrum Gerardium,

O Delicati blanda ruris otia,
 Curis & ambitu procul:
 O dulce murmur limpidorum fontium,
 O grata nemorum opacitas,
 O sibilantes arborum ingentum comae,
 O prata vere gemmea,
 O solitudo amica cogitantibus,
 O horror, ô silentium,
 Cui nunc canoro gutture obstreant aures,
 Nunc canna pastoris vagi,
 Seu manè oves in læta ducit pascua,
 Seu vespere reducit domum.
 O mensa nec luxu affluens, nec sordida,
 Dapibus parata rusticis,
 Quas non, heri languentem ut irriteret gulam,
 Doctus saporavit coquus:
 Sed filiis iuuenibus & seni viro
 Sævera coxit villicus.
 O bibliotheca nota paucis, ô libri,
 Quos rara contrectat manus.
 O cella tantùm lectuli vniùs capax,
 O somne liber, & lenis:
 O ad beatam tutam vitam semita
 Ignota vulgi sensibus:
 Ut vos requiro: ut mente vos tota expeto,
 Alia perosus omnia.
 Ut lætus ad vos tendit, & gazis libens

Vos anteponit Persicis,
 Quicumque puro pectus Olmeo lauit,
 Frondemque mordet Delphicam.
 Quid tu, Gerardi, cui profanis iniurias
 Adire fontes contigit,
 Partesne easdem sequeris, an sitis mala
 Opum, aut perustus gloriae,
 Amœnitati ruris & dulci otio
 Vitam anteponis aulicam?
 O per Lycæi cognitos paucis specus,
 Quos sæpe lustrasti puer,
 Ne sperne amicus consilii quod dat senex,
 Quodque sibi, sed serò capit.
 A litterato te otio auocantibus
 Occludito aures, & fuge:
 Canora monstra ut auribus cera oblitis
 Laertis effugit puer.
 Beata vita non metallo aut Indici
 Spoliis paratur æquoris.
 Animo appetenti pauca, quod sat est, sat est:
 Anido, atque inexpleto, nihil.
 Cum tibi sit, unde liber, & planè tunc
 Vitam quiete transigas:
 Quis, heu, furor te, quis, rogo, impellit furor,
 Vincula ultro ut induas tibi,
 Et more pulchrum viuere alieno pates,
 Nutus, timentem dimitis?
 Age, rumpe nexus, & iugum collo excute,
 Vindexque & adsertor tui,

Aude

*Aude esse felix, & praeclara cuncta amovens,
 Quae mentem humo adfixam tenent,
 Per liquida puri spatia decurre aetheris,
 Aeterna tantum cogitans:
 Et ista sortis lubrica ludibria
 Miranda vulgo desere.
 Utinam mihi olim, flore cum primo rudes
 Inuenta opacaret genas,
 Amicus aliquis ista monstrasset senex,
 Quae nunc tibi ipse cantito.
 Non ego perisse lustra tot in aula mihi
 Vanis dolerem questibus.*

Dedicatio hortorum Tiburnorum.

*Nec labor Alcides fregit, nec blanda voluptas
 Umquam animum casti mollit Hippolyti.
 Ambarum hos hortos virtutum accensus amore,
 Herculi, & Hippolyto dedicat Hippolytus.*

Idem.

*AUREA sopito rapuit quae mala dracone
 Alcides, eadem nunc tenet Hippolytus.
 Qui memor accepti, quos hic consuevit hortos,
 Auctori voluit muneris esse sacros.*

Bacchus fonti impositus.

*Nondum natus eram cum me propè perdidit ignis.
 Ex illo fontes tempore Bacchus amo.*

Idem ex aduerso respiciens fontem
Nympharum.

QUI colitis Bacchum, comites simul addite
Nymphas.

Nam sine ope illarum munera nostra nocent.

In tabulam Tantali.

SI quando admittant sua te ad secreta potentes,
Quisquis es, exemplo disce tacere meo.

In tabulam Iasonis nauigantis, & Hercu-
lis raptum Hylam quærentis.

*Viribus auferres, quod fraude parabis Iáson:
Eripit Alciden sed tibi raptus Hylas.*

P R O L O G V S I N P H O R -
M I O N E M T E R E N T I I , C V M E A M
aliquot nobiles adolescentuli
H I P P O L Y T I C a r d i n a -
l i s F e r r a r i e n s i s i u s s u
acturi essent.

ET S I scio esse hîc neminem, qui nesciat
Quid apparatus noster hic velit sibi,
Tamen mearum partium esse existimo,
Interea dum se mei sodales comparant,
Bona cum venia vestra pauca dicere,

Quæ scire vos, & vestra, & ipsorum interest.

*Comœdiam Terentij acturi sumus,
Cui Phormioni nomen ipsius indidit,
Quod parasitus in ea Phormio primas agit.
Neque hoc videri debet aut mirum, aut novum:
Quandoquidem in omni vita, nedum in fabulis,
Parasiti, scurra, fycophanta, omne id genus,
Bonis repulsis, ipsi iam primas agunt.*

*Quod si quis est, parum decorum, qui putet,
Iuvenes ingenuos personatos conspici, in
Scenam prodire, & quasi facere histrioniam:
Is sibi responsum hoc habeat: nulla rem magis
Dijudicari omnia, quæ mortales agunt,
Quàm sine, quem is, qui quid agit, proponit sibi.*

*Qui scenicam artem victus caussa factitant,
Et, ut coquis ac laniis risum excitent,
Distorquent ora, insulsa dicta dictitant,
Contundunt pugnis se inuicem, atque horum omnium
A plebe viles exigunt mercedulas,
Merito histrionum nomen & famam ferunt.
Nil simile nostrum est. Nos, ut nostram industriam
Vobis probemus omnibus, ut communi hero
Hilaremus animum, cui debemus omnia,
Vnum id petentes, hunc laborem cepimus.*

*Quamquã, ô supremi celites, quæ iam omnium,
Padere debet personatum conspici,
Cum id omnis ætas, omnis ordo factitet?
Sed nolo nunc ulcera cuiusquam tangere,
Ne quis satyram hanc esse dicat, non comœdiam.*

Nunc vñs à vobis , priusquã hinc abeã, postulo:
 Si vos, quod vestri honoris caussa fit, iuvat,
 Fauete, & vigilate animis, vigilate auribus,
 Dormite linguis. qui tacere non queunt,
 Bene fecerint, si cefferint ijs, qui queunt,
 Ne & turbent alios, & morbum prodant suum.
 Facite, ad conanda in posterum nos talia
 Bonitas ut vëstra, atque æquanimitas excitet.

Ad Antonium Montecatinum.

T Andem querellis pone modum tuis,
 Et fata mastis inuida vocibus
 Clamare, crudelësq; diuos
 Cum gemitu lacrumisq; parce.
 Nam, quid Lycei iuuerit auios
 Lustrasse saltus, fontibus ac sitim
 Ex vulgo inaccessis leuasse,
 Ingenioque adïsse diuos,
 Si mentis istud præsidium tue
 Perrumpit, & sese intus agit dolor,
 Imisq; feruens in medullis,
 Te quasi perdomito triumphat?
 Magnam doloris fata quidem tibi
 Caussam obtulerunt, quæ tibi cognitam,
 Longoque rarum usu sodalem
 Hannibalem ante diem abstulerunt.
 Qui quamquam auitis sat titulis domi
 Forisq; clarus, non tamen id sibi
 Satis fore ornando putauit,

Ni proprios etiam ipse honores
 Labore magno quereret impiger,
 Comámque lauro duplicem necteret,
 Et qua ferox Gradiuus, & qua
 Pulcher Apollo suos coronat.
 Hec quis deorum mentibus addidit
 Fama illam honestis immodicam sitim?
 Quàm saepe multis ille tristem
 Funeris acceleravit horam.
 Sed, quorsum inanes iam querimonie?
 Ille ipse, quem urges questibus, Hannibal,
 Felix, & insertus deorum
 Consilia, mala nostra ridet.

In D. Barbaram.

B A R B A R A, qui laudes speret se equare ca-
 nendo
 Posse tuas, idem pulsantes litora fluctus,
 Et Libyeas numero comprehendere tentes arenas.
 Te pater insanus turri concluderat alta:
 Sed veram Danaen verus te Iuppiter illic
 Despondit sibi Christus, & arto fœdere iunxit.
 Illo & tu triplices fieri inspirante fenestras
 Mandasti, & niueo sculpsisti in marmore signum,
 Quo reparata salus, & deficiente ministro
 Ipsa tuos mersisti undis lustralibus artus.
 Quid memorem, ut tibi mons fugienti cesserit, aut
 Ceperit indicij vasanus premia pastor, (qua
 C. iij.

*Qui dum miratur pecudes in marmora versas,
Ipse suum pariter sensit lapidescere corpus.*

*Non tu carnifices, non tu tormenta timebas,
Non gladios, animosa, & Christo plena virago,
Qui te ad caelestem meritis pro talibus aulam
Enexit, regniq; libens in parte locauit.*

*At tu Dina graues hominum miserata labores,
Pacem illis, veniamque ora, & nocitura repelle,
Præcipue antiquo prognatum ex sanguine regum
Gonzagam, felix quo se dace Mantua iactat,
Qui virides Minci ad ripas tibi Dina sacrauit
Templi augustū ingens, cura quod & ipse tuetur
Peruigili, & flammam latè spargentibus aris
Sepe manu propria meritos imponit honores,
Hunc tu Dina tuo protectum numine sancto
Conserua populūque simul, qui sacra, secutus
Principis exemplum, puro tua corde frequentat.*

*GVSTANDA vita, non fruenda, homini datur.
Nam, cum fruendi tempus est, tum deserit.
Felicis maritus, an celebs agat,
Priuata vita sitne regno dulcior,
An vita regia solum attingat Iouis:
Peregre mori suauius sit, an domi:
Qui, quàmque multi, & quo parandi more sint,
Quo habendi, amici: nullus hæc curat puer:
Rarus adolescens: nec senex omnis videt.
Et hæc tamen vitam propè omnem continent.
Que si quis acri cura & usu peruigil*

Longo notarit, iamque secum statuerit,
 Quid fugere, quid contemnere, & quid persequi
 Expediat homini, vix eam ingressò viam,
 Quam maximè unam ex omnibus probauerit,
 Obstat senectus, inuida, & cursum impedit:
 Mox anida tristes Lachesis inijcit manus.
 Sic vivere meditantibus vita euolat.

Q Vamuis qua medio me fixa in pectore torquet,
 Vibrata est oculis certa sagitta tuis:
 Ne tamen, ô ne, vita, auctores vulneris istos,
 Altoreſque aliò vertere perge mei.
 Sed fige vsque in me, ut tantò impensius vrar.
 Nam mi è tam dulci est vulnere dulce mori.

F O R M O S A es, fateor, formosa, & digna rogari,
 Sed nemo tamen hîc te Teleſilla rogat.
 Cur tu igitur nobis longo sermone pudorem
 Tam crebro iactas, duritiâque tuam?
 Et te velle prius dicis tormenta subire
 Omnia, quàm quisquam te potiatur amans?
 Vis tibi vera loquar? modus est hic ipse rogandi.
 Ipsa rogat, nullo si qua rogante negat.

S I exspectas, Pamphile, ipsa dum negotia
 Te accersant ultro, & dormientem exsuscitent,
 Vehementer erras. taciti discedunt dies:
 Nec obliuioſos officiij admonent sui.
 Superba res est rei gerendæ occasio,

C.iiij.

*Semel contempta, nunquam postidea redit.
 Vigiles oportet, & tua accures memor.
 Nam, si ipse rem curare negligas tuam,
 Fugit illa, & facile, qui se curet, inuenit.
 Tu rem quam cures postea haud facile inuenis.*

M E M I N I magistrum puero mi olim hoc dicere,
 Summum Ionem facere item, ut caupones solent:
 Qui vina ut vendunt, turbant, miscent, diluunt:
 Nec cuiquam vini simplicis danunt cadum.
 Itidem illum aiebat in vita mortalium
 Numquam fortunata simplicem quoquam dare:
 Sed temperare fata letis tristia.

E Græco Callimachi.

N Amq; & ego nitido capiti, flauisque capillis
 Serta olim Assyrio sparsa liquore dedi,
 Et bona in ingratum congesi plurima ventrem:
 Cuncta sed in ventos illa abiere leues.
 Seruarunt solæ commissa fideliter aures,
 Corporis hac una est parte reperta fides.

R A P H A E L I S V R B I N A T I S

P I C T O R I S E X I M I I

Tumulus.

Ipse loquitur.

S I C mea naturam manus est imitata, videri
 Posset ut ipsa meas esse imitata manus.

*Sæpe meis tabulis ipsa est dolusa, suumque
Credidit esse mea quod fuit artis opus.
Mirari, dubitâsque? audito nomine credes.
Sum Raphael. hei mi, quid loquor? immo fui.
Et tamen, his dictis, quid opus fuit addere nomen?
Alterutrum poterat cuiuslibet esse satis.
Nam mea & audito est notissima nomine virtus:
Et prestare vicem nominis ipsa potest.*

Q U I D Q U I D agam, *Claudi*, seu quò me vertere
Seu nihil, ut soleo desidiosus, agam? (tentem,
Ante oculos tua mi adfiduè obversatur imago:
Vnâque tristitiam gignit, & una leuat.
Angor enim infelix, quòd te, quo sospite solùm
Esse velim sospes, quo moriente mori,
Nunc, ubi sis, quid agas, veterè tibi cura medentù,
An nondum, morbum pectore depulerit,
Nec scio, nec iam scire ulla ratione potui sum:
Qua me res angore unica penè necat.
At rursus nihil est, quo me ipse hoc tempore soler,
Quòdque oculos tristi tergeat imbre graves,
Te nisi cum vana sibi mens sub imagine fingit:
Seu vigilem, dulci siue sopore premar.
Hoc mihi *Nepenthes* curas dissolvere pròptum est.
Luctibus hæc una est apta medela meis.
Te cum ego nunc videor teneros percurrere versus,
Siue *Catulle* tuos, siue *Tibulle* tuos:
Nunc etiam rerum causas tentare latentes
Discere & unde fluant, omnia quòque fluant:

Tunc herba in viridi, late porrectus ad umbram
 Arboris, & riuum molle strepentis aque,
 Aurásque, & dulces animum captare susurros,
 Pérque vices tecum multa iocosa loqui.
 Gratia dis, qui mentē homini celerémque dederūt,
 Et quēuis habilem fingere spectra sibi.
 Illa & plumipedem superarit Persea cursu,
 Et celerem inuicti Bellerophontis equum.
 Nec mihi, se cuius rerum natura creatrix
 Expressam in tabulis cernit, ut in speculo,
 Tam bene te docto Titianus pollice pingat,
 Quā mens te adsiduē pingere prompta mea est.
 Atque utinam tibi sit de nobis mutua cura.
 Nec, quin sit, dubito: sed tamen esse precor.
 Non ego vulgari te, Claudī, amplector amore.
 Hac face rara Deus tangere corda solet.
 Me me ipse odissem, nisi tu me gratus amares:
 Nec nisi me, quoniam sum tibi carus, amo.
 Denique cū fuero nulli credenda locutus,
 Pars tamen illa mei parvula amoris erit.
 Dī faciant, longos producere detur in annos.
 A pueris coepta fœdus amicitie.

Francisco Duareno Iuriconsulto.

QVI te Romani, Duarene, enigmata iuris
 Soluentem vidit, nec tamen obstupuit,
 Illum ego crediderim sensūque animōque careres
 Qualis in Aegæo stat metuenda mari

Edita flaminibus Caurorum obnoxia rupes,
 Quam neque bacchantis concita vis pelagi,
 Nec vis ventorum propria de sede renellat.
 Nam sine eloquij flumina suspicimus,
 Ipse tibi Adrastus, tibi se summitat Vlyxes,
 Summittat Pylj lingua beata semis.
 Sen magis ingenij prestans miramur acumen,
 Hec quoque laus vni danda dicanda tibi est.
 Quis veterem historiam cura maiore renoluit?
 Quis, veteres quidquid perdocuere sophi?
 Atque utinam nobis una, Duarene, liceret
 Hoc quidquid vite est quod datur exigere:
 Quam me saepe tuo pendentem ex ore videres
 Sermones avida combibere aure tuos.
 Fors etiam tua me vestigia pone sequentem
 Proueberet sensim perficeretque labos.
 Mi siquidem non ingenij vis vinida desit,
 Quominus esse aliquid, te praecunte, queam:
 Verum me una Venus, Venus hen me cōsuiit una,
 Vna hominum & diuorum omnium acerba lues.
 Vna Venus misero sensus exorbuit omnes:
 Vna Venus misero mentem animi eripuit.
 Me me illa innumeros adigit pallere colores,
 Me me illa inuito molliter ore queri.
 Illa die noctem lucemque requirere noctu,
 Et dare non sani mille notas animi.
 Nec mihi vel calum prodest implere querellis,
 Vel facere ad magicos impia sacra focos.
 Saepe ego me puro lustravi sulfure, saepe

Mussani ignoto barbara verba sono.
 Sape caput viuo ieiunus flumine merfi
 Ipsa sub indicti primula tela die.
 Et mihi tentata est quaecunque expellere amorem
 Lecta in sepositis creditur herba iugis. (be,
 Sed neque me sulfur, nec verba, nec unda, nec her-
 Ah miserum, ex vlla parte iuuare queunt.
 Quod mihi nascenti fidus praeluxit, ut in me
 Irrita sint, quae aliis auxilio esse solent?
 At quondam obscenas Zethes, Zethæq; gemellus
 A Phinei mensis depulit acer aues:
 Illa etiam Alcida perijt confixa sagittis
 Iapetionida tundere sueta iecur.
 Et tamen ille Deum vulgauerat ore susurro
 Arcana obscuris innolienda notis:
 Hic Iouis è folio subreptum venerat ignem,
 Fallacique ipsum luserat arte Iouem.
 Verum ego si studui verbo temerarius ullo
 Sine hominum quemquam ledere, siue Deum,
 Ista meo numquam decedat pectore pestis:
 Sed populet sensus irrequieta meos. (ror,
 An miserorum hominū cuique est suus additus er-
 Ne se calicolis autumet esse parem?
 Hunc igitur nummi, sitis illum exurit honorum,
 At me ætas florens, & bona forma rapit.
 His ego si iubeat penetrare Acheronta duobus,
 Ipsum Acheronta leuis sit penetrare labos.
 Possum ego per gladios, possum transire per ignes,
 Et bibere Aëæ trita aconita manu:

*Infantum Veneris nequeo cohibere furorem:
Sit licet immeritò semper acerba mihi.*

*O lingua lingua : ut magna eges custodia:
Quæ & aliis saepe, & sæpius domino nocet.
Multum affecutus, qui bene didicit loqui:
Qui bene tacere, non minus affecutus est.*

N I V I B V S hiems exuberat, ver floribus,
Aestas aristis affluit, lacrumis amor.

C V M omnia in amore misera sunt, tum id omniū
Miserrimum est, potiri amica cum velis.
Repulsa amor conditur, ut cibus sale:
Sine spe metuque insipidas atque insulsus est.

S I mihi lacerti, quales olim, nunc forent:
Non lingua potius tibi opem ferrem, quam manu.
Nunc tarda membra, & sanguis adstrictus gelu
Conferere in acie cum hostibus manum vetant:
Prodesse patriæ voce & consilio sinunt.
Corpus abit annis : consilio animus viget:
Virēsque senibus defluunt, verba affluunt.

Q V A E te caussa mihi potuit mutare, *Neera,*
Ut mea iam non sis qua modò dicta mea es?
Quoniam amor ille abiit, quo te iactare solebas,
Cum tibi magna satis gloria amator eram?

*Certè otenim & meminì ipse, & te meminisse ne-
cesse est,*

Quàm sepe exciderint talia verba tibi.

Dona inuent alias, dum me Muretus amabit,

Cetera mi ut desint omnia, diues ero.

Aurū alia gēnāsque, ego nil, nisi carmina, poscā:

Plus mihi diuitijs omnibus illa placent.

Nec minus ipse tibi parili coniunctus amore,

Talia reddebam dicta, sed ex animo.

Vre Cupido alios. ignis mihi sola Neera est.

Odi alias omnes. quin etiam obtulerit

Si mihi se Venus ipsa, Venus feret ipsa repulsam.

Solus ego illius, sola ut & ipsa mea est.

Hei mihi vix menses absūm à te quattuor: & te

Alterius factam nuncia fama refert.

Quid si Taprobana petiissem aut litora Thyles?

Tam longè distat Tiberis ab Eridano?

At cūm me flentem fleus ipsa amplexa teneres,

Inque tuo stratus limine staret equus,

Complexūque tuo vix me subducere possem:

Iam discedenti qualia dicta dabis.

Dum viuam, res nulla tuo me auellet amore.

Quòd si post vitæ tempora durat amor, (bo.

Tūc quoque te, Murete, etiā umbra et puluis ama-

Hæc mihi tam multis non sine lacrymulis

Te meminì dixisse, ô nuper cara Neera.

Et, quamquam odisti, nunc quoque cara tamen,

Cara, fatebor enim, quamquā te absentia mutat:

Factura est leuitas nec me aliena leuem.

*Iuppiter, ut certi nihil est in amore puellæ,
 Sepe uno decies odit amâque die.
 Quàm melius foret à vanis auertere mentem,
 Et solida ac nunquam deperitura sequi.
 O si me meliôrque Venus, meliôrque Cupido
 Vindicet, iniecta corripiâtque manu.
 Tunc flebis, cùm me ereptum nouus ignis habebit:
 Et te culpabis, duritiâque tuam.
 Ast ego subducta vinclis ceruice molestis,
 Ridebo, inque vicem, perfida, durus ero.
 Vt seruus domina imperium perpeffus iniqûe,
 Quem prator iuris iussit abire sui.*

Basium Iuliæ.

C*VM roseam inflectens ceruicem ad basia
 torques,
 Et tibi iam peti molle natant oculi:
 Præ desiderio propè tum mi anima ipsa liquescit,
 Vixque potest tanti vim tolerare boni.
 Post, ubi iam licet, admotis utrinque labellis
 Ambrosium suauis sugere florem animæ:
 Tum mihi, tum videor Diuorum accubere, mensis,
 Atque haurire auidè nectareos latices.
 Iulia flos æui, cùm, quæ sunt proxima summis,
 Tam facilis dones, tur modo summa negas?
 An metuis, Deus efficiar ne fortè fruendo,
 Et sine te sedes euolem ad ætherias?
 Pone metum, formosa, tuos quæcumque tenebit
 Ora oculos, semper calum erit illa mihi.*

N A M si lamentis alienaretur dolor,
 Longoque fletu minueretur miseria,
 Tum turpe lacrimis indulgere non foret,
 Fractaque voce diuū obtestari fidem,
 Tabifica donec pectore excesset lues.
 Nunc hæc neque hilum de dolore detrahunt,
 Potiusque cumulum miseri adijciunt mali,
 Et indecoram mentis molliam arguunt.

H E R E, si querellis, eiulatu, fletibus
 Medicina fieret miseris mortalium,
 Auro parande lacrumæ contra forent:
 Nunc hæc ad minuenda mala non magis valent,
 Quàm nenia præfica ad excitandos mortuos.
 Res turbida consilium, non fletum, expetunt.

V T imbre tellus, sic riganda meus maro:
 Vt illa fruges, hæc bona consilia efferat.

F I N I S.

